

ք. Գյումրի

« 8 » « փետրվարի » 2021 թ.

Հայաստանի Հանրապետության Շիրակի մարզպետարանը, ի դեմս մարզպետ Հ. Հարությունյանի (այսուհետ՝ Պատվիրատու), ով գործում է պետական մարմնի կանոնադրության հիման վրա, մի կողմից, և ՀՀ Շիրակի մարզի «Շիրակի երկրագիտական թանգարան» ՊՈԱԿ-ը, ի դեմս տնօրեն Ա. Բոյաջյանի, (այսուհետ՝ Կատարող), ով գործում է կազմակերպության կանոնադրության հիման վրա, մյուս կողմից (այսուհետ՝ միասին՝ Կողմեր), կնքեցին սույն պայմանագիրը (այսուհետ՝ Պայմանագիր)՝ հետևյալի մասին.

Պայմանագրի առարկան

1. Պայմանագրով սահմանվում է «ՀՀ 2021 թվականի պետական բյուջեի մասին» ՀՀ օրենքի 08բաժնի 02խմբի 02դասի 1075ծրագրով պետական և համայնքային ոչ առևտրային կազմակերպությունների ընթացիկ դրամաշնորհների տրամադրման կարգը, որի շրջանակներում Կատարողը ստանձնում է իրականացնել՝ «Թանգարանային ծառայություններ և ցուցահանդեսներ» 11004 միջոցառումը՝ Պայմանագրով սահմանված կարգով, իսկ Պատվիրատուն պարտավորվում է բյուջեից հատկացված գումարի շրջանակներում Կատարողին տրամադրել 23 967 100 (քսաներեք միլիոն ինը հարյուր վաթսուներեք հազար հարյուր) ՀՀ դրամ, ներառյալ՝ հարկերը, տուրքերը և պարտադիր այլ վճարները:

2. Ծառայության ընդհանուր նկարագրությունը ներկայացված է Պայմանագրի անբաժանելի մաս կազմող «Հավելված 1»-ում:

Կողմերի իրավունքները և պարտականությունները

3. Պատվիրատուն իրավունք ունի.

1) Ցանկացած ժամանակ ստուգելու Կատարողի կողմից մատուցվող ծառայությունների ընթացքը և որակը՝ առանց միջամտելու վերջինիս գործունեությանը.

2) Պահանջել Կատարողից Պայմանագրով սահմանված ժամկետում ներկայացնել հաշվետվություն:

4. Պատվիրատուն պարտավոր է.

1) Պայմանագրի շրջանակներում աջակցել Կատարողին.

5. Կատարողն իրավունք ունի.

1) Պայմանագրով սահմանված կարգով և ժամկետներում ստանալու ՀՀ պետական բյուջեից հատկացվող գումարը:

6. Կատարողը պարտավոր է.

1) Պայմանագրով նախատեսված ֆինանսական միջոցներն օգտագործել Պայմանագրով սահմանված նպատակներով ու չափաքանակներով:

2) Ծառայությունը մատուցել Պայմանագրով սահմանված կարգով և ժամկետներում:

3) Կատարել Պատվիրատուի կողմից բացահայտված թերությունների վերացման նպատակով տրված ցուցումները:

4) Պայմանագրի գործողության ընթացքում ապահովել ծառայության իրականացմանը վերաբերող փաստաթղթերին ծանոթանալու Պատվիրատուի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում:

Վճարման կարգը և ժամկետները

7. 2021 թվականի ՀՀ պետական բյուջեով հատկացվող պետական աջակցության չափը կազմում է 23 967 100 (քսաներեք միլիոն ինը հարյուր վաթսուներեք հազար հարյուր) ՀՀ դրամ, ներառյալ՝ հարկերը, տուրքերը և պարտադիր այլ վճարները:

8. Կատարողը մինչև յուրաքանչյուր եռամսյակին հաջորդող ամսվա 1-ը Պատվիրատուին է ներկայացնում տվյալ եռամսյակում մատուցված ծառայությունների հանձնման-ընդունման ակտը (երկու օրինակից), իսկ 4-րդ եռամսյակի համար՝ մինչև դեկտեմբերի 1-ը:

9. Պատվիրատուն հանձնման-ընդունման ակտը ստանալու պահից հինգ աշխատանքային օրվա ընթացքում Կատարողին է ներկայացնում իր կողմից ստորագրված հանձնման-ընդունման ակտի մեկ օրինակը կամ ծառայությունները չընդունելու պատճառաբանված մերժումը: Ծառայության արդյունքը Պատվիրատուի կողմից ընդունված է համարվում երկկողմանի հանձնման-ընդունման ակտը ստորագրելու պահից:

10. Պատվիրատուն վճարումներն իրականացնում է համամասնորեն՝ ամսական կտրվածքով, անկանխիկ՝ դրամական միջոցները մինչև տվյալ ամսվան հաջորդող ամսվա 10-րդ աշխատանքային օրը, իսկ դեկտեմբեր ամսվա համար՝ մինչև դեկտեմբերի 24-ը՝ Կատարողի հաշվարկային հաշվին փոխանցելու միջոցով՝ համաձայն Պայմանագրի անբաժանելի մաս կազմող «Հավելված 3»-ում սահմանված վճարման ժամանակացույցի:

11. «ՀՀ 2021 թվականի պետական բյուջեի մասին» ՀՀ օրենքի 7-րդ հոդվածի 22-րդ կետի հիմքով, բյուջեից տրամադրվող դրամաշնորհների և սուբսիդիաների նկատմամբ հաշվարկված ավելացված արժեքի հարկի գծով

լրացուցիչ հատկացումները չեն կարող ուղղվել այլ նպատակների: Եթե սույն կետում նշված հոդվածներով նախատեսված ծրագրերը և միջոցառումները ենթական չեն ավելացված արժեքի հարկով հարկման կամ ենթակա են հարկման պետական բյուջեից ավելացված հարկի վճարման համար տրամադրվող գումարի դիմաց ավելի փոքր գումարի չափով, ապա նշված հարկի վճարման համար նախատեսված հատկացումների գծով չօգտագործված գումարները մինչև 2021 թվականի դեկտեմբերի 24-ը ենթակա են վերադարձման Հայաստանի Հանրապետության պետական բյուջե:

Կողմերի պատասխանատվությունը

12. Պայմանագրով հատկացված գումարի շրջանակներում Կատարողի կողմից աշխատանքների և ծառայությունների գնումները պետք է իրականացվեն «Գնումների մասին» ՀՀ օրենքի պահանջներին համապատասխան:

13. Պայմանագրով և ծրագրով նախատեսված պարտավորությունների չկատարման կամ ոչ պատշաճ կատարման դեպքում Կատարողը պարտավորվում է Պատվիրատուին փոխհատուցել չիրականացված միջոցառման չափով և վճարել տուգանք՝ չիրականացված միջոցառման համար նախատեսված գումարի 1 տոկոսի չափով: Ընդ որում, տուգանքի վճարումը Կարարողին չի ազատում իր պարտավորությունները կատարելու և խախտումները վերացնելու պարտականությունից: Պատվիրատուն սույն կետով նախատեսված գումարները հաշվարկում և հաշվանցում է Կատարողին վճարվելիք գումարներից:

14. Պայմանագրով և ծրագրով նախատեսված պարտավորությունների չկատարման կամ ոչ պատշաճ կատարման դեպքում Կողմերը պատասխանատվություն են կրում ՀՀ օրենսդրությամբ սահմանված կարգով:

Պայմանագրի գործողության ժամկետը

15. Պայմանագիրն ուժի մեջ է մտնում Կողմերի ստորագրման պահից և գործում է մինչև 2021 թվականի դեկտեմբերի 30-ը:

Անհաղթահարելի ուժի ազդեցությունը (ՖՈՐՍ-ՄԱԺՈՐ)


16. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է Պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում Պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսից ավելի, ապա Կողմերից յուրաքանչյուրն իրավունք ունի լուծելու Պայմանագիրը՝ դրա մասին նախապես տեղյակ պահելով մյուս Կողմին:

Եզրափակիչ դրույթներ

17. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են Կողմերի կողմից:

18. Պայմանագիրը և հավելվածները կնքված են հայերեն լեզվով, Պայմանագիրը կազմված է 2 էջից և 3 հավելվածից՝ «Հավելված 1» 1 էջ, «Հավելված 2» 1 էջ, «Հավելված 3» 1 էջ, կնքվում է երկու օրինակից, որոնք ունեն հավասարազոր իրավաբանական ուժ, յուրաքանչյուր Կողմին տրվում է մեկական օրինակ: Պայմանագրով չնախատեսված հարաբերությունները կարգավորվում են ՀՀ օրենսդրությամբ:

Կողմերի հասցեները, բանկային վավերապայմանները և ստորագրությունները

ՊԱՏՎԻՐԱՏՈՒ	ԿԱՏԱՐՈՂ
ՀՀ Շիրակի մարզպետարան	ՀՀ Շիրակի մարզի «Շիրակի երկրագիտական թանգարան» ՊՈԱԿ
ք.Գյումրի, Գ. Լժդեհի 16	ՀՀ Շիրակի մարզ, ք. Գյումրի, Մյասնիկյան 118
ՀՀ ֆինանսների նախարարության գործառնական վարչություն Հ/Հ 900211255022	ՀՀ ֆինանսների նախարարության գործառնական վարչություն Հ/Հ 900211255022
Հ/Հ 05507437	Հ/Հ 05514913
ՀՀ Շիրակի մարզպետ	ՀՀ Շիրակի մարզի «Շիրակի երկրագիտական թանգարան» ՊՈԱԿ
	
Հ. Հարությունյան	Ռ. Բոլաջյան



2021 թվականին մատուցվող ծառայությունների ընդհանուր նկարագրությունը

«Հ Շիրակի մարզի «Շիրակի երկրագիտական թանգարան» ՊՈԱԿ

Թանգարանի գործունեության հիմնական նպատակը ու առարկան մշակութային գործունեության իրականացումն է: Մշակութային գործունեության հիմնական բովանդակությունն է Շիրակի պատմությանը, նյութական ու հոգևոր մշակույթն արտացոլող պատմամշակութային արժեք ներկայացնող շարժական հուշարձանների հավաքումը, պահպանությունը, վերականգնումը, ուսումնասիրությունն ու ցուցադրությունների, բազմաբնույթ հրատարակությունների գիտալուսավորչական այլ միջոցառումների միջոցով հասարակությանը մատուցումը:

Թանգարանը իր կանոնադրության, գործող օրենսդրությանը, հիմնադրի որոշումներին համապատասխան սահմանված կարգով իրականացնում է ցուցադրական, գիտալուսավորչական, հրատարակչական ու տեղեկատվական գործունեություն:

Թանգարանը նյութական, ֆինանսական ու այլ ռեսուրսների ապահովվածությանը երաշխավորվելու դեպքում պայմանագրային հիմունքներով համապատասխան պատվերների առկայության դեպքում իրականացնում է գիտահետազոտական, հրատարակչական, տեղեկատվական ուսումնական ծրագրեր ու միջոցառումներ:

ՊԱՏՎԻՐԱՏՈՒ	ԿԱՏԱՐՈՂ
«Հ Շիրակի մարզպետարան	«Հ Շիրակի մարզի «Շիրակի երկրագիտական թանգարան» ՊՈԱԿ
ք.Գյումրի, Գ. Նժդեհի 16	«Հ Շիրակի մարզ, ք. Գյումրի, Մյասնիկյան 118
«Հ ֆինանսների նախարարության գործառնական վարչություն Հ/Հ 900211255022	«Հ ֆինանսների նախարարության գործառնական վարչություն Հ/Հ 900218000561
ՀՎՀՀ 05507437	ՀՎՀՀ 05514913
«Հ Շիրակի մարզպետ»	«Հ Շիրակի մարզի «Շիրակի երկրագիտական թանգարան» ՊՈԱԿ-ի տնօրեն
	
Հ.Հարությունյան	Ա. Բոյաջյան



2021 թվականի համար սահմանված ֆինանսական և ոչ ֆինանսական ցուցանիշները



ՀՀ Շիրակի մարզի «Շիրակի երկրագիտական թանգարան» ՊՈԱԿ

1. Ոչ ֆինանսական ցուցանիշներ

		Քանակը	Գումարը, հազ. դրամ
Քանակական	Թանգարանային առարկաների և հավաքածուների պահպանում /թանգարանային առարկա/	24107	
	թանգարանային առարկաների կոնսերվացում /թանգարանային առարկա/	24107	
	թանգարանային առարկաների վերականգնում /թանգարանային առարկա/	6455	
	թանգարանային առարկաների պետական հաշվառում /գիտական զույքագրում անցած թանգարանային առարկաների թիվը/	24107	
	Թանգարանների հավաքածուների սպասարկում	75	
	թանգարանային այցելուների սպասարկում /մարդ/	-	
	մշտական և ժամանակավոր ցուցադրություններում ցուցադրված թանգարանային առարկաների թիվը		
	ցուցահանդեսների և թանգարանային միջոցառումների կազմակերպում /ցուցահանդես/		
Մատուցվող ծառայության վրա կատարված ծախսը			23967,1

2. Ֆինանսական ցուցանիշներ

1. Սպասարկվող թանգարանային առարկաների տարեկան քանակը **24107 /միավոր /**
 2. Տրամադրվող դրամաշնորհի առավելագույն չափը **23967,1 /հազ.դրամ/**



ՊԱՏՎԻՐԱՏՈՒ	ԿԱՏԱՐՈՂ
ՀՀ Շիրակի մարզպետարան	ՀՀ Շիրակի մարզի «Շիրակի երկրագիտական թանգարան» ՊՈԱԿ
ք.Գյումրի, Գ. Նժդեհի 16	ՀՀ Շիրակի մարզ, ք. Գյումրի, Մյասնիկյան 118
ՀՀ ֆինանսների նախարարության գործառնական վարչություն Հ/Հ 900211255022	ՀՀ ֆինանսների նախարարության գործառնական վարչություն Հ/Հ 900218000561
ՀՎՀՀ 05507437	ՀՎՀՀ 05514913
ՀՀ Շիրակի մարզպետ	ՀՀ Շիրակի մարզի «Շիրակի երկրագիտական թանգարան» ՊՈԱԿ-ի տնօրեն
 Վ. Հարությունյան	 Ա. Բոյաջյան



ՎՃԱՐՄԱՆ ԺԱՄԱՆԱԿԱՑՈՒՅՑ

ՀՀ Շիրակի մարզի «Շիրակի երկրագիտական թանգարան» ՊՈԱԿ
2021 թ. գումարների վճարման ժամանակացույցն ըստ ամսական բացվածքի՝

N	Ամիսը	Գումարը (դրամ)
1.	Հունվար	0
2.	Փետրվար	2 391 900
3.	Մարտ	2 391 900
4.	Ապրիլ	1 887 700
5.	Մայիս	1 887 700
6.	Հունիս	1 887 700
7.	Հուլիս	1 887 800
8.	Օգոստոս	1 887 700
9.	Սեպտեմբեր	1 887 700
10.	Հոկտեմբեր	2 619 000
11.	Նոյեմբեր	2 619 000
12.	Դեկտեմբեր	2 619 000

ՊԱՏՎԻՐԱՏՈՒ	ԿԱՏԱՐՈՂ
ՀՀ Շիրակի մարզպետարան	ՀՀ Շիրակի մարզի «Շիրակի երկրագիտական թանգարան» ՊՈԱԿ
ք.Գյումրի, Գ. Նժդեհի 16	ՀՀ Շիրակի մարզ, ք. Գյումրի, Մյասնիկյան 118
ՀՀ ֆինանսների նախարարության գործառնական վարչություն Հ/Հ 900211255022	ՀՀ ֆինանսների նախարարության գործառնական վարչություն Հ/Հ 900218000561
ՀՎՀՀ 05507437	ՀՎՀՀ 05514913
ՀՀ Շիրակի մարզպետ՝	ՀՀ Շիրակի մարզի «Շիրակի երկրագիտական թանգարան» ՊՈԱԿ-ի տնօրեն՝
 Վ. Հարությունյան	 Ա. Բոյաջյան

